

Poruke iz viših dimenzija 1. dio



preneseno sa: <http://poruke.weebly.com>

Uvod - Univerzum

Svijest u našem univerzumu postoji na 12 nivoa duhovne gustoće (termin dimenzija se često koristi). Većina ljudi na Zemlji postoji na 3-ćem nivou duhovne gustoće ili dimenzije. Mnoge civilizacije i duhovna bića u našem univerzumu postoje u različitom frekventnom spektru, odnosno na višim dimenzijama. Naš univerzum je jedan od mnogih od beskonačnog broja.

Neki ljudi imaju sposobnost da uspostave komunikaciju sa bićima iz viših dimenzija. Većina njih to čini u transu, što znači da svoju energiju podignu na viši nivo te uspostave rezonantnu frekvenciju sa bićima iz više dimenzije. U tom stanju bića iz viših dimenzija "koriste" njihovo tijelo, mozak koji služi kao "prevodilac" informacija i govorne aparate da bi obznanili poruke.

Bića iz viših dimenzija postoje na raznim nivoima duhovnog razvoja i oni imaju razne namjere.

"Svijetla" bića imaju na umu potrebe drugih i njihove akcije su vođene namjerom da pomognu. Važno je znati da pomoć treba tražiti jer u našem dijelu univerzuma postoji "slobodna volja". To znači da mi imamo mogućnost da utičemo na našu realnost i svijetla bića generalno ne mogu intervenirati ukoliko mi ne zatražimo njihovu pomoć.

"Tamna" bića, ona koja ne drže svjetlost u sebi (tama je odsustvo svjetlosti) imaju za cilj kontrolu i potčinjavanje drugih za svoj interes. Ona često ne vode računa o "zakonu slobodne volje". Ta bića koriste strah kao jedino sredstvo koje im omogućava da nas paralisu i odvoje od "izvora" energije i moći koje posjedujemo.

Kloniranje

Pozdravi dragi naši. Sretni smo da ponovo imamo priliku razgovarati sa vama. Mnoge aktivnosti i promjene se dešavaju na planeti u ovo vrijeme. Hoćemo da vam odamo priznanje za sve što činite, budite svjesni svog doprinosa i budite ponosni na to. Ponekad ste vrlo samokritični. Dovodite u pitanje ispravnost svojih akcija i sumnjate u svoje odluke tako da i ne primjetite koliko ste se promijenili i napredovali. U vrijeme žurbe kroz život vi ne primjećujete koliko ste uznapredovali u tako kratkom periodu. Ali vratimo se na temu dana. Kloniranje. Ah, to je prilično interesantna tema. Možete je nazvati vruća tema u svim galaksijama. Mnoge su se vrste okušale u kloniranju ali rezultat je uvijek bio isti. Kad se kreira fizička forma "izvan velike seme" bitan element biva izostavljen. Kad su u pitanju klonirana bića, duša drugog svijesnog stvorenja može "ušetati" u klonirano tijelo, ali životna energija će uvijek nedostajati. Fizička (klonirana) tvorevina ne operira u istom frekventnom regionu kao ostatak planete, tako da ne može da nauči iste lekcije na duhovnom nivou. Klon

ima priliku da iskusi život na fizičkom nivou, ali ne na emocionalnom kroz koji se ima priliku povezati sa mas-sviješću (čovječanstva). To je izolovana egzistencija. Cijele planete su iskusile promjenu u svom razvoju nakon sto je broj kloniranih bića prevazisao broj bića koja se inkarniraju prirodnim putem; oni (kloni) su kreirali sekundarnu mrežu svijesti koja je povezana sa planetom. Ali, emocionalni aspekt njihovog razvoja nije rezonirao sa planetom, što je potom izazvalo veliki pritisak na nebesko tijelo (planetu). Ovo je zaista interesantno. I ovo izaziva dosta debata među članovima Galaktičke Federacije. Kao kreatori vi morate dati određeni nivo časti i uvažavanja za ono sto kreirate. Ako to nedostaje i ako nivo duhovnog razvoja nije na istom stepenu zrelosti kao tehnologija koju posjeduje određena civilizacija, onda je to osuđeno na propast. Kloniranje nije novi podhvat na ovoj planeti. Mnogi od vas još uvijek imaju sjećanja o strašnim eksperimentima kloniranja iz doba Atlantisa.

Kloniranje ima negativan uticaj na prirodne cikluse planete uključujući ciklus života i smrti i lanac ishrane.

Mi znamo da ovo može biti možda teško za prihvatiti, ali čak i vaš biljni svijet ima emocionalna iskustva. Kad jedete hranu ne samo da se vaše ćelije hrane biljnim molekulama nego vi također upijate emocionalno stanje biljke. Ovo je također tačno za životinje i vašu upotrebu životinja u ishrani. Kad konzumirate životinju koja je bila traumatizirana, to iskustvo postaje dio vašeg emocionalnog tijela. Kad odate postovanje svojoj hrani prije jela i vi šalžete energiju (vaše misli) koja je usmjerena ka hrani i koja promijeni frekvencije hrane. Kad pošaljete frekvencije (misli) zahvalnosti i ljubavi, frekvencije objekta (hrane u ovom slučaju) će se promijeniti da budu u rezonanciji sa tim frekvencijama.

Za razliku od unije kromozoma koja se desi u laboratoriji zahvaljujući simulaciji električnom strujom, unija ćelija koja se desi prirodnim putem također rezultira u stvaranju emocionalnog tijela. Sve informacije i istorija genetske linije oba roditelja naslijede se kroz (energetsko / emocionalno) polje. Kako vi nastavite da rastete vi upijate informacije o svijetu oko vas i uspostavljate vezu sa energetskim centrom zemlje. Međutim kad se unija genetskog materijala desi u laboratoriji, ta iskra nije prisutna. Emocionalno tijelo se formira mnogo kasnije. U slučaju in vitro začeca, emocionalno tijelo se kreira isključivo od majčinog emocionalnog iskustva dok je još u stomaku. Većina genetske memorije oca je izgubljena. Možete ovo zamisliti kao slučaj loše veze prilikom slanja faks poruke. Loš kvalitet informacija vam ne dozvoljava da pročitate poruku.

Za one od vas koji imaju djecu kroz in vitro začece, nemojte se brinuti. Vaše dijete će se prilagoditi energiji onih oko njega. Ali znajte da će njegovo shvatanje realnosti biti malo drugačije. U ovo vrijeme na zemlji novi pogledi vam dozvoljavaju da izađete izvan trenutnih ograničenja. Tako da je vrijeme za ovo tehnološko znanje perfektno, kako se to obično i desi. U slučaju kloniranja, ne postoji mogućnost da se prenese emocionalno tijelo. Kopija je tako loša da se ništa ne može pročitati. Ovo potom vodi u kreiranje emocionalnog tijela koje nije u sinhronizaciji sa drugim bićima na planeti. Zbog toga što nema sve podatke ono postoji na drugim frekvencijama.

Vaša trenutna briga su klonirane životinje koje postaju dio vašeg lanca ishrane. Ne volimo ovo što vam moramo reći, ali njihove frekvencije nisu daleko od frekvencija hrane koju trenutno jedete. Vaša genetski modifikovana hrana je vrlo slična (kloniranim) životinjama kad su u pitanju energetske frekvencije. To znaci da "emocionalno" tijelo hrane ne rezonira sa frekvencijama hrane koja postoji u svom prirodnom okruženju.

Ako svjesno ne promijenite frekvencije klonirane hrane ona će da postoji na frekvencijama koje su niže nego frekvencije vašeg tijela te će vaše fizičko i emocionalno tijelo morati da prerade to kao "toksine". Ako je vaš cilj da podignete svoje frekvencije na viši nivo mi vam preporučujemo da izbjegavate ovu vrstu hrane, kloniranu i genetski modifikovanu.

Mi vam skrećemo pozornost na vaš put da kreirate život izvan "prirodnog reda". Kloniranje je krajnji izraz zajedničke svijesti za željom da ima kontrolu. Iz straha od nepoznatog vi pokušavate da zauzdate najvišu formu moći, sam život. Stavljamo vas pred iskušenje da pogledate u najtamniji kut samih sebe te da se osobodite straha. Vi već imate punu i kompletnu kontrolu. Ali iz vašeg ograničenog ugla iz kojeg gledate realnost vi to ne možete vidjeti. Vrijeme je da se pomjerite izvan tog ograničenja.

Vaša zajednička svijest počinje da shvata da vi imate kontrolu nad vašom sudbinom. To je razlog zbog kojeg vidite da se puno priča o (univerzalnom) " Zakonu Privlačnosti" u vašim knjigama i filmovima. Da ponovimo vi živite u svijetu dualnosti, da biste napravili pomak u višu dimenziju (duhovnu gustoću) vi morate naći način da se iskažete i da postignete ravnotežu (u odnosu na dualnosti / suprotnosti). U ovom slučaju negativni iskaz je kloniranje. Pozitivni iskaz je shvatanje "Zakona Privlačnosti". Kad shvatite da možete kreirati (svoju stvarnost) kad poželite, vi ćete se osloboditi straha. Ništa nije nemoguće. (Kako napredujete na svom putu) vi popravljate svoju putanju i primičete se cilju učeći kako da prepoznate "znakove pored puta". Vi niste usamljeni putnik. Mnogi od nas su ovdje, spremni i zahvalni da imaju priliku da vas podrže na vašem putu.

Mnogo blagoslova!

Hrana, što jesti?

Pozdravi dragi naši.

Da, dragi naši. Mi smo vrlo sretni da imamo priliku da ponovo razgovaramo s vama, i u stvari smo jako uzbuđeni da možemo govoriti o dijete i zdravlju i vašoj dobrobiti jer ste bombardovani masom mišljenja o tome šta bi trebali jesti. Pitanje, koje vam je blisko je "Šta bi ja trebao/la jesti? Da li je ovo pravilan način ishrane?" I odgovor je da ne postoji jedna specifična dijeta koju treba slijediti. To je stvar svake osobe. I na kraju dana to je pitanje nivoa energije i frekvencija.

Ono što je važno da shvatite je da ste vi čista energija. Vi ste bića svijetlosti i frekvencija. Tako kad pričate o dijete, zdravlju i dobrobiti na to možete gledati na dva načina. Prvo, na to možete gledati sa čisto fizičke tačke gledišta, ali to vas neće daleko dovesti. Potom drugo, na to morate gledati sa energetske tačke. Tako, mi ćemo početi sa fizičke i onda ćemo nastaviti ka našoj perspektivi, ka energetske tački gledišta.

Kad posmatrate hranu i kad posmatrate toksine u vašoj hrani i kad razmišljate šta da uradite u vezi s tim (trebate li da jedete organsku hranu ili trebate li da jedete samo povrće i da li trebate izbaciti životinjske proizvode), odluka će biti individualno bazirana. Idealno, vi bi ste trebali jesti svježije, organski uzgojene proizvode i životinje koje odrastaju na prirodan način (ne na farmama za masovni uzgoj). Neki od vas, posmatrajući klanja životinja na vašoj planeti su formirali mišljenje da se životinjsko meso ne treba jesti. U redu, mi ćemo vam reći da nema nista loše u konzumiranju životinjskih proizvoda. Vi trebate minerale. Vi trebate proteine. Vi trebate neke od kompleksnih molekula koje se mogu naći samo u životinjskim proizvodima.

Mnoge životinje na ovoj planeti su mesožderi. To nije "nebožansko". Dakle mi vam ne govorimo da je etički pogrešno da jedete životinje. Ali, mi vam preporučujemo da to radite sa poštovanjem za prirodu, da to radite sa obzirom i da shvatite vrijednost života koji konzumirate i da odate zahvalnost za njihovo postojanje. Vi konzumirate energiju životne snage drugog bića. Ali mi ćemo vam reći nešto više o tome kad budemo govorili o energetskom aspektu, dakle.

Kad jedete previše bilo čega (čak i zdrave hrane) preko ekstremnih granica, to nije više zdravo. Radi se o ravnoteži i umjerenosti u svakom slučaju. I to je razlog zašto hoćemo da se usredsredimo na to.

Trenutno postoje mnoge vrste hrane koje su uvedene u vašu ishranu i koje su genetski modificirane. Kad se to desi vi ne samo da gubite neke od energetskih nivoa koje hrana sadrži nego i hranljivost, to također nedostaje (u ovoj hrani). Vi možete promijeniti energetski spektar, ali vi ne možete dodati hranljivost (toj hrani). Dakle u ovom slučaju, vjerovatno je bolje da koristite organsku hranu i da uključite u svoju ishranu raznoliku hranu tako da vam je ishrana uravnotežena. Čak i kad uzimate vitamine i minerale, to još uvijek nije jednako konzumiranju visoko kvalitetne hrane zato (što takva hrana posjeduje) energetski spektar (hrana je na frekvencijama koje odgovaraju energetskom nivou vašeg tijela). Većina vitamina i minerala koja su na tržištu (zbog toga kako je ekstrakt napravljen i zbog njihovog pakovanja) oni gube energetsku komponentu. Dakle, dok dobijate energiju na fizičkom nivou, to nikad nije isto kao što je kad sami uzgajate svoje povrće ili kad kupujete povrće koje raste iz sjemena koje nije genetski modificirano.

Postoje razni razlozi zbog kojih ćelije mogu zadržati tečnost i druge biološke materije. To može biti zbog samo-zaštite. To može biti zbog gubitka ravnoteže tako da ćelije ne mogu da se oslobode tih materija zato što dio enzima koji reguliše taj proces nije prisutan tako da ne može normalno funkcionisati. Dakle, postoji mnogi razlozi zbog kojih ljudi nabace dodatnu težinu, pored očitog razloga kao što je konzumiranje velikih količina hrane. I ovo nas vodi do emocionalne komponente, energetske komponente o kojoj želimo reći nešto više. S naše tačke gledišta to je najvažnija komponenta i ona ima najveći uticaj na vašu dijetu i zdravlje nego bilo što drugo.

Ponekad je u vašem interesu da održite težinu i da ne "čistite" ćelije u vašem tijelu. Ponekad vam je potrebno da konzumirate hranu koja nije od najviših vibracija. Ponekad kad biste jeli čistu hranu to bi prouzrokovalo oslobađanje otrova iz vašeg tijela i dovelo bi do tog da se morate suočiti sa emocionalnim stvarima za koje još niste spremni. U isto vrijeme, natančniji pogled je da vi privlačite hranu koja ima energetske frekvencije koje su vam potrebne u tom trenutku.

To je razlog zbog čega je vrlo teško, mada imate najbolje namjere da pređete na zdrav način ishrane gdje biste jeli visoko kvalitetnu hranu koja; emocionalno vi niste spremni da razriješite probleme. Sa gubitkom težine vi postajete više svjesni svog tijela i svog emocionalnog stanja. Ako niste spremni da se suočite sa tim emocijama, velika je šansa da vi nećete dozvoliti tijelu da postane lakše. Vi ne želite da se suočite sa tim. U takvim situacijama vi morate da gledate u svoje emocije i otkrijete šta je iza njih. I mi ne kažemo da su problemi vezani za ishranu ili dijetu. Mi kažemo da problemi mogu biti bilo gdje; u vašim relacijama, u tome kako doživljavate sebe, i u tome šta radite trenutno u svom životu. Vi ne možete odvojiti ove dvije stvari. Da ponovimo, ovo je vrlo važna poruka koju vam želimo prenijeti.

Ako nas ne shvatate, napraviti ćemo korak nazad da vidimo kako to možemo reći tako da je to kristalno jasno jer je jako važno da poruku razumijete. Vi privlačite u svoj život upravo ono što vam je potrebno. To se zove Zakon Privlačnosti (jedan od zakona na kojim je bazirana stvarnost u našem dijelu univerzuma). Tako ako ste spremni da napravite korak naprijed, spremni da se oslobodite emocionalnog problema, ono što će se desiti je da ćete intuitivno/ podsvjesno početi jesti zdraviju hranu. Vi počinjete jesti zdraviju hranu zato što mijenjate svoj pogled i stanje svijesti; vi mijenjate matricu svijesti. Kad se to desi vi počinjete da oslobađate neke od otrova koji su se nagomilali u vašem tijelu i vi dižete energetske frekvencije vaših ćelija. Vi podižete ćeljsku rezonanciju. Ako ovo radite na nesvjesnom nivou, dio vas vam kaže: "Znaš šta? Ja sam spremna (spreman) da napravim korak

naprijed." Tad počnete jesti manje obroke. Jedete zdraviju hranu. I zamislite šta, određene emocije dođu u prvi plan tako da ste u stanju da ih razriješite.

Vi također vibrirate na određenom frekventnom spektru. Kad ste sretni i zdravi, vi ste na vrhu spektra.

Kad držite negativne emocije (strah, bijes, zavidnost) u svojoj auri ili kad vaše tijelo procesira mogo otrova kako bi ih izbacili iz tijela, tada vi vibrirate na nižim frekvencijama.

Jedan od mnogih specijalnih atributa vaše planete je velika raznolikost u svim pogledima života; hrana je među najraznovrsnijim zbog tako velikog broja biljaka koje tu žive. To je vrlo rijetka pojava na drugim planetama. Svaka biljka ima jedinstvenu frekvenciju, na osnovu toga vi svakoj od njih možete odrediti ljekovitost. Vi imate takvu raznolikost tako da su vaši kulinarski eksperimenti, vaše kuhinje nešto vrlo vrlo posebno. Neka jela mogu biti vrlo lijepa kao na primjer sladoled sa keksima, na primjer.

Kad stavite te stvari (hranu) u svoje tijelo potrebna vam je izvjesna količina energije da biste je preradili. U tom process vi spustite svoje frekvencije. Ako ste razvili emocionalnu vezu sa određenom vrstom hrane i zaista je zelite konzumirati, ali se je ipak odrićete, negativne emocije koje nastaju zbog uskraćivanja tog zadovoljstva su daleko štetnije za vaše tijelo nego uticaj toksina koje morate preraditi nakon što konzumirate na primjer sladoled sa keksima. Kao što vidite morate naći balans u ovakvim slučajevima. Uskraćivanje ili osjećaj da sebi uskraćujete može imati više štete nego da konzumirate tu vrstu hrane. Ovo je također važno da znate.

Ovo je samo okus onog sto se dešava sa vašom dijetom. Kad ste spremni na promjenu i kad počnete dizati vaše frekvencije na duhovnom nivou, vas neće privlačiti životinjski proizvodi u toj mjeri jer su oni na nešto nižim frekvencijama. Kad su u pitanju životinje, način na koji su one živjele i način na koji su ubijene (ili način na koji su prestali da postoje na fizičkom nivou) je sastavni dio njihovih molekula. Vi upijate i čitate, ako tako možemo reći njihovo životno iskustvo. To je jedna od vaših bliskih veza sa Zemljom i njenim ritmom života. Ako jedete životinje koje su bile zlostavljane ili je njihova smrt bila traumatična, njihove frekvencije su daleko niže nego frekvencije životinja koje su imale sretan život.

Mi smo vas odveli na kružni put ovdje, ali mi volimo da to uradimo zato što mi ne želimo da mislite u linearnoj formi. Mi želimo da počnete razmišljati multi-dimenzionalno. Tako da se nadamo da vas nismo izgubili (da ste nas mogli pratiti), dragi naši.

Ovo je zadnja stvar koju vam želimo reći o tome kako da tretirate genetski modifikovanu hranu ili hranu čije porijeklo ne znate. Vi možete promijeniti frekvenciju hrane (prije no što je konzumirate) tako što ćete joj poslati svoju energiju, šaljući joj ljubav, šaljući joj harmoniju. Što će se desiti je to da ćete vi promijeniti negativne emocionalne komponente koje su zaključane u njihovim fizičkim ćelijama. One će biti oslobođene i vi ih nećete konzumirati. To je razlog da imate običaj da blagosivate hranu. Time što odate zahvalnost, vi joj dajete energiju, vi joj dajete pozitivna osjećanja ljubavi i zahvalnosti vi možete promijeniti strukturu ćelijske rezonancije. To je jedna od stvari koje možete upotrijebiti kao pomoć u slučaju vode ili hrane koju konzumirate.

Mi se nadamo da smo odgovorili na vaša pitanja. Naravno možemo ići u daleko veći detalj. Ako imate još više pitanja, stupite u vezu s nama. Ovo što smo vam rekli je mnogo da bi se absorbiralo odjednom, ostavljamo vas s time.

Mnogo dobrih želja, dragi naši.

Počnite Upravljati Vašim Životom

Pozdravi dragi naši,

Ovo je 9to Dimenzionalni Kolektiv Pleada. Htjeli bismo da iskoristimo ovu priliku da uspostavimo vezu s vama i razgovaramo o važnosti vaše želje da počnete upravljati vašim životom. Vrlo često nam kažete "Recite nam ono što trebamo znati". U redu, ali zaboga odakle da počnemo? Zamislite da vam prijatelji postave isto pitanje. Najvjerojatnije biste ih pitali što ih najviše interesuje u pokušaju da fokusirate vaš odgovor. To isto važi za nas. Mi vam želimo pružiti podršku, radije nego odraditi vaše poslove. Vi ste sad dovoljno odrasli i dosegli ste tačku u vašem razvoju na kojoj je bitno da počnete postavljati pitanja i da zadovoljite vašu radoznalost. Vaša radoznalost, želja za znanjem i iskustvo će vam omogućiti da se vratite u ulogu Stvoriteljskog Bića. Primjećujete li da smo rekli "vratite", to nije prvi put da vi imate tu ulogu. Vi ste sad i uvijek ste bili Stvoriteljska Bića, ali ste odabrali da spustite veo preko tog znanja kako biste mogli da igrate po pravilima igre u 3-čoj dimenziji.

Zabavite se dobro, dragi naši. Pitajte pitanja, jer kad to učinite mi vam možemo pomoći. Što su vaša pitanja konkretnija, što se više unesete i vidite sebe kao Božansko Biće tim vam više mi možemo pomoći. Znamo da ovo zvuči ironično. Ali najbolji način da vam pomognemo je da vam dozvolimo da posrnete dok ne naučite da ovisite o sebi i vašem unutrašnjem glasu koji vas vodi. Vi ste kao djeca koja uče hodati. Mi moramo da ispustimo vašu ruku kako biste mogli naučiti da vjerujete sopstvenoj energiji i nađete svoj centar ravnoteže.

Kad zaista pogledate duboko u sebe kako biste pronašli pitanja, vi u stvari pravite prvi korak ka "aktiviranju". Mi ne možemo dovoljno naglasiti važnost ovoga. Da bi ste bili u stanju da čujete naše odgovore, vi morate naučiti kako da slušate sami sebe, vaše tijelo, vaš vlastiti frekvencijski potpis. Vidite li kako vas tjeramo da radite, pomažemo vam da narastete! Da, mi se malo zezamo, ali to što smo rekli je još uvijek istina. Mi znamo da se u ovom trenutku možete osjećati iznerviranim da ne razumijete našu poruku, ali s vremenom ćete nas čuti. Kad se to desi osjetit ćete veliku bliskost i zadovoljstvo zbog vašeg uspjeha.

Zapamtite, dragi naši da mi nismo bolji nego vi, mi nismo "sveznajući". Više dimenzije nisu bolje nego niže dimenzije. One su samo različite. One su jednostavno različita igrališta sa specifičnim pravilima koja vam omogućavaju da imate jedinstvene doživljaje. Mi vam možemo pružiti informaciju koja je bazirana na našoj viđenoj stvarnosti. Vaše viđenje nije manje vrijedno. Vi morate prihvatiti samo dijelove koje rezoniraju sa vama (koje su na istim frekvencijama) i ostaviti druge iza sebe. Kao dio Božanske Izvorne Energije i kao Stvoriteljsko Biće vi imate pristup svim zapisima koji su ikad napravljeni.

Mi smo ovdje da vas podsjetimo i da vas inspirišemo da uživajte u svojim djelima. Da se čudite vašoj sposobnosti da privučete i napravite sva iskustva, bez obzira da li ih vidite kao negativna ili pozitivna. U stvari da podijelimo našu malu tajnu s vama, što više dajete vrijednost tome što ste kreirali, bilo pozitivno ili negativno lakše vam je stvoriti ono što svjesno želite. Time što priznate sebe kao Stvoriteljsko Biće vi dozvoljavate vašoj energiji da teče mnogo lakše kroz vaše tijelo. Ono što vas sputava su osude vaših "kreacionista", zato što usvojite takvo vjerovanje, energija u vašem tijelu se vrti u unutrašnjem krugu (unutar tijela) te tako pravi isti vibracioni ekvivalent u nedogled. Jednom kad se oslobodite tog vjerovanja, energija počne ponovo da teče, razbijajući unutrašnji tok energije, te se uspostavi tok i veza sa beskonačnom Božanskom Izvorom Energijom.

Ovo je godina (2010) stvaranja ili "manifestacija", dragi naši. Ovo je godina u kojoj ćete "staviti svoj novac tamo gdje ste stavili svoje riječi" i u kojoj ćete postati svjesni svojih stvarateljskih mogućnosti. Najbolji savijet koji vam možemo dati je da budete u

sadašnjem trenutku. Budite potpuno prisutni u svom energetskom tijelu i budite fokusirani. Kad ste prisutni u sadašnjem trenutku sva vaša snaga i moć su prisutni sa vama. Mi vas sad pitamo "Kako ste često u tom stanju?" Svaki put kad uhvatite sebe zabrinute zbog prošlosti ili se brinete šta će se desiti u budućnosti, jednostavno dovedite svoju svijest u sadašnji trenutak. Ništa što je prošlo se ne može izmijeniti, a budućnost se gradi na osnovu onog što se dešava sada. Ako vam hoćemo reći multidimenzionalnu istinu, postoje različite vremenske linije, a ne samo ona na koju ste vi trenutno fokusirani. I kad se konačno vratite u sadašnjost, obratite pažnju na to kako se osjećate budite svjesni svog doživljaja. Da li uživate u doživljaju? Da li želite nasataviti vibrirati na tim frekvencijama, ili želite odabrati druge?

Ne postoji pravilno i nepravilno, to je samo stvar izbora frekvencija, vi izabirate da li ćete ih zadržati ili odbaciti. Gdje svi napravite grešku je to što sudite vibracije (frekvencije) (imate mišljenje o nečemu kao pravilno ili nepravilno). Ali kad odlučite da posmatrate: da li su vibracije bile korisne, da li ste naučili nešto iz toga, šta su vam pokazale o vama, vi se možete osloboditi suda i dozvoliti da se novo znanje integriše (u vaše energetsko polje ili dušu). Integracija ili odustajanje od suda (osude) je ime ove igre. Integracija je ključ za duhovno uzdizanje. To vam dozvoljava da nastavite da podižete svoje frekvencije, da stvorite više sreće i ljubavi u svom životu. Dozvolite vanjskom svijetu da bude vaše ogledalo, da vam reflektuje nazad sve ono što je u vašim vibracijama. Budite prisutni u sadašnjem trenutku tako da možete aktivno prihvatiti vaše trenutno stanje i svjesno izabrati vašu zžljenu frekvenciju (vibracionu destinaciju).

Dobra Vožnja, Dragi Naši!

Zvijezdani Sistemi

Zašto osjećate da imate neku vezu sa zvijezdanim sistemima Pleada, Arkturusa, Lire, Siriusa ili Uzvišenih Učitelja. Zašto, kad mislite o njima, vi se prisjetite svoje kuće.

U procesu inkarnacija, vaše iskustvo i duhovni rast nisu ograničeni na jedan svijet. Sa univerzalne perspektive Zemlja je dosta mlada, tako da su mnogi od vas proveli veliki dio vremena u drugim zvijezdanim sistemima učeći svoje lekcije. Nije začudjujuće da ste se ikarnirali na Zemlji, jer je ona nastavak tih drugih svijetova. Mnogi ste dali (kao stanovnici drugih zvijezdanih sistema) svoj genetski materijal ovoj planeti.

Prije no što ste se inkarnirali vi ste imali priliku da pogledate "niz koridor vremena" i da vidite gdje ćete naići na neprilike i gdje će vam biti potrebna mala pomoć (u budućem životu u koji se imate namjeru inkarnirati). Vi ste ostavili markere (znakove) unutar svog DNA materijala koji će osloboditi kod i informaciju, kao mapu blaga i tako vam pomoci na vašem putu. Sve dok ne postignete svoj cilj, natuknica zaključana unutar rezonantne frekvencije lekcije (koju morate naučiti) ne može biti otkrivena. Natuknica vam pomaže da ubrzano krenete naprijed.

Jedna od natuknica koju ste postavili za sebe je vaša pripadnost određenom zvijezdanom sistemu ili nebeskoj grupi. Ovo je učinjeno da bi se osiguralo da informacije iz svih glavnih zvijezdanih sistema dopru do zemaljske svijesti. Svaka od originalnih rasa ima svoju verziju istine, jer je istina obojena mišljenjem i doživljajem stvarnosti i svaka od njih je vidjela svoju verziju odvijanja događaja. (Originalne rase su stanovnici drugih zvijezdanih sistema koji su dali svoj genetski materijal za eksperiment genetskog inženjeringa čiji je cilj bila kreacija zemaljskog humanoida/čovjeka). Ovisno o tome šta želite postići u svom životu vi ste izabrali da privučete u svoj život glavne lekcije iz svog zvijezdanog sistema.

Oni među vama koji se identificiraju sa sistemom Pleada oslanjaju se na dvije glavne teme. Jedna je tema učitelja ili vodiča. Stanovnici Pleada su bili mentori i vodiči vama u Sunčanom sistemu već milionima godina. Mi smo počašćeni da imamo zadatak da nadziremo vaš rast i razvoj i da vas imamo priliku zbrinuti. Neki drugi među vama se osjećaju bliski sa Pleadima zato što se unutar našeg sistema nalazi centralno sunce Alsion (Alcyone) koje služi kao centralna biblioteka, koja ima sve podatke iz svih zvijezdanih sistema u ovoj galaksiji. Vi možete zamisliti Alsion kao neku vrstu "biblioteke kongresa" (referenca je vezana za SAD). Svako sunce ima sve podatke sa svake planete u svojoj orbiti, te tako ima ulogu "regionalne biblioteke". Svaka planeta čuva svoje zapise, to je "lokalna biblioteka". Svako od vas je "knjiga" u biblioteci.

Sa padom Atlantisa mnogi od kristala koji se nalaze u središtu Zemlje su se oštetili i to čini pristup Zemaljskim zapisima jako teškim. (Zapisi/informacije o događajima na Zemlji su pohranjeni u kristalima unutar Zemlje, kristal služi kao informacioni medij za pohranu podataka). Mnogi od vas koji osjećaju bliskost sa Pleadama su čuvari podataka i vi ste došli na Zemlju kako biste obnovili Zemljinu oštećenu biblioteku.

Sirijus sistem je oduvijek bio ispunjen ratovima i konfliktima. Oni među vama koji se osjećaju bliskim Sirijus sistemu mogu prizvati sjećanja na vrijeme ratova i razumijevanje da cijena takvih akcija može biti vrlo visoka. Uz to vi se možete sjećati Komiteta i Koncila koji su formirani da nadgledaju mir, jedno od tih udruženja je Galaktička Federacija. Sirijus sistem je jedan od najraznovrsnijih sistema, pored Sunčanog sistema. Tu je uvijek postojalo miješanje vrsta i percepcija, to je Veliki Eksperiment.

Stanovnici Lira sistema su veliki poznavatelji liječenja i ovo je mudrost koju treba donijeti nazad u vaš svijet. Bića koja su se prvobitno inkarnirala u sistemu Lire su formirali vašu civilizaciju Lemurija. Nakon uništenja Lemurije mnogi od njih su se vratili nazad u svoj zvijezdani sistem Lire. Drugi su ostali na Zemlji i izmješali se sa genetskim linijama iz civilizacije Atlantisa. Vi ste sad u fazi gdje ponovo imate priliku doći do ovih izgubljenih informacija, počeli ste se prisjećati kako da koristite kristale i kako da lijecite zvukom.

Mnogi od svijetova Lire i Arktura su vodeni svijetovi i mnoge od divnih kreatura u vašim okeanima su doneseni iz ta dva sistema. Sa prelaskom Zemlju u četvrtu dimenziju mnoge od ovih vrsta, uključujući delfine i kitove, završit će svoju misiju u kojoj su održavali rezonanciju Zemlje u njeno tamno doba. Oni će prestati da žive na Zemlji i opet će se početi inkarnirati u svijetovima Lire i Arktura.

Zvijezdani sistem Arktura je jako napredan u oblastima matematike i zvuka. Komunikacija, koristeći mnoge jezike uključujući geometrijske simbole i zvuk je njihova jaka strana. Arkturijanci su stručnjaci alhemije. Oni razumiju osnovne elemente izgradnje univerzuma i postujući životnu silu mogu promijeniti materiju u druge forme.

Za one koji se osjećaju bliskim Uzvišenim Učiteljima, vi ste odabrali da pregledate pravila hijerarhije; kako bi vidjeli da su svi jednaki, uključujući one koje nazivate Učiteljima. Vaša lekcija je da kritički ispitajte sve što vam je rečeno i da slušate samo informaciju koja rezonira s vama. Kao što smo već rekli istina je obojena sa percepcijom.

Postoje još mnogi drugi sistemi, svaki ima prednost i svaki se oslanja na energije lekcija koje su dobro savladali. Oni ne mogu biti poređeni između sebe jer svaki ima svoju jedinstvenu perspektivu. Tako kad sljedeći put budete osijetili bliskost sa zvijezdanim sistemom zastanite i pomislite kojih informacija o ovim svijetovima i kojih lekcija treba da se sjetite.

Mnogo dobrih želja u ovom danu!

Kako Uticati Na Globalne Promjene

Pozdravi Dragi Naši,

Mi smo vrlo sretni da imamo priliku da govorimo s vama. Mi smo 9ti Dimenzionalni Kolektiv Pleada. Dva pitanja koja nam najčešće postavljaju su "Šta ja mogu učiniti da bi pomogla/o planeti Zemlji? Šta trebam da učinim kako bih promijenila/o stanje stvari?" I mi vam na to pitanje odgovaramo da najvažnija stvar koju vi možete uraditi je da radite na sebi (na svojoj svijesti).

Vi ste po prirodi hologrami. To znači da što se desi u jednoj ćeliji vašeg organizma to ima uticaja na cijeli univerzum. Što se desi u mikro-kosmosu to se desi u makro-kosmosu. Vi niste odvojeni. Vi ste spojeni (sa univerzumom). Tako ako vidite nešto što želite promijeniti u svijet, pogledajte šta se dešava u vašem životu, pogledajte te situacije jer one mogu biti refleksija globalnih zbivanja. Kako se ta svjetska drama odražava na događaje u vašem životu? Dat ćemo vam nekoliko primjera za to.

Možda želite promijeniti kako se gleda na žene i kako ih svijet tretira. Vi vidite da njihov status nije jednak statusu muškarca i one nisu tretirane s poštovanjem. Ovo se očituje kroz niz situacija gdje su one u podređenom položaju i gdje su im prava ograničena, do manje očitih formi diskriminacije. Pitanje je, kako promijeniti ovu percepciju na globalnom nivou? Kao žena kako vi mislite o sebi? Da li imate samopoštovanje? Da li vidite sebe kao vrijedost? Da li ste samokritični prema svom tijelu? Da li se ponašate u skladu sa zahtjevima društva kako biste bili prihvaćeni? Započnite ovaj proces promijene tako što ćete pogledati unutar sebe (u svojoj dušu). Gdje se pojavljuje otpor (unutar vas)?

Razotkrijte slojeve unutar sebe dok ne pronađete izvor samokritičnosti. Znajte da ste vi perfektna osoba, takvi kakvi jeste; da je vaše tijelo prekrasna "posuda" koja je napravljena da bi udomila vašu dušu za ovo ljudsko iskustvo (u ovom životu na Zemlji). Od svih stvari koje ste mogli da stvorite za sebe za ovu inkarnaciju, vi ste odabrali baš tu perfektnu formu svog tijela. Zar to nije zadivljujuće, kad malo razmislite. Tako mnogo ljudi na ovoj planeti i tako mnogo varijacija na istu temu. Ovo je zaista nevjerovatna planeta (Zemlja). Ako ste muškarac, razmislite kako gledate na žene.

Ponovo, da li je vaša percepcija i mogućnost da prihvatite (svijet žene) vođen onim što vam društvo kaže da je prihvatljivo i lijepo, ili vi slijedite vaš unutrašnji glas i u stanju ste da vidite više nego fizičko tijelo, u stanju ste vidjeti ljepotu duše? Mi znamo da je za ljude teško da gledaju na ovaj način. Većina vas je programirana da gleda na spoljašnost. Više je nego sigurno, da ako vidite nešto u svijetu što želite promijeniti to je refleksija nečega što vidite u sebi. To je "neravnoteža", mjesto gdje vaga može otići ili u krajnje svijetlo ili krajnje tamno mjesto. Većina vas je negdje između, siva zona, i vi imate kritično mišljenje o tom mjestu (sivoj zoni). Ako pogledate u sredinu, pronaći ćete mjesto ravnoteže, a to je SUOSJEĆANJE i PRIHVATANJE.

Vi razumijete da su svijetlost i tama dva oblika iste energije, kako god da je želite zvati "Izvor", "Univerzalna Energija", "Bog". Vi živite u dimenziji u kojoj postoju dvojnost/dualnost i tu jedno ne može da postoji bez drugog. Sjenka je odraz svijetla i svijetlo osvjetljuje tamu. Tako, ako ste u stanju da pronađete (u sebi) suosjećanje i prihvatanje vi ćete biti u stanju da se oslobodite energetskeg napona koji ta situacija kreira. U tom slučaju vaša energija nije niti pozitivna niti negativna, nego postaje mješavina dvije krajnosti u neutralno i prirodno stanje. Ovo neutralno stanje vam dozvoljava da pristupite "Izvoru" energije. Nije slučajnost da kad ste mirni, kao na primjer u stanju meditacije vi ste u stanju da uspostavite vezu sa "Izvorom".

Kad se energija počne kretati bilo s djelom ili mislju (kao posljedica djela ili misli) i s namjerom (koja ima energetski napon), sve dok ne nađete mjesto (energetske) ravnoteže vi nećete napraviti vezu sa "Izvorom" energije. Mislite o ovome na sljedeći način. Sa prisustvom namjere koja stoji iz vaših dijela i misli, vi se isključite iz "utikača" za "Izvor" energije i vi tada pređete na rezervni izvor, vase lično energetsko polje. Kad ste u neutralnom stanju, vi ste ponovo uključeni u "utikač" za "Izvor" energije. Suviše često, ljudi ne iskoriste priliku da pronađu mirno mjesto unutar sebe, kao posljedica oni dozvole da im nestane goriva za "rezervni generator energije" (potroše svoju energiju). Ovo je uzrok teških bolesti koje napadaju ljudsko tijelo.

Daćemo vam još jedan primjer. Govorit ćemo o ratu. Većina vas ne voli ni misao o ratu i ne podržava rat. Kako se to oslikava u vašem životu? Ako ga primjećujete i ako imate emocionalnu reakciju na to (rat) onda je to unutar vašeg energetskog polja.

Postoji nekoliko načina da se oslobodite ovog energetskog napona. Jedna mogućnost je da radite unutar strukture vašeg života, da se suočavate s situacijama kako vam se one dese. Ništa se ne može promijeniti na globalnom nivou, dok ne promijenite situacije na ličnom. Kako pojedinačne osobe počnu da pronalaze suosjećanje u vezi s određenom situacijom, ta informacija (to suosjećanje) se prenese u "masovnu svijest" (koja postoji kao grupna ljudska svijest). Zapamtite šta se desi jednoj ćeliji u vašem tijelu, to se desi cijelom univerzumu. Što znači kad vi dodate svoje suosjećanje u "masovnu svijest" tad postaje mnogo lakše za druge da prepoznaju situaciju i da oslobode energetskog napona unutar sebe. To je kao da im je neko dao natuknicu kako da riješe slagalicu. Teško je za prvih nekoliko ljudi, ali oni (kroz "masovnu svijest") daju drugima natuknice kako da riješe zagonetku. "Masovna svijest" služi kao šablon za rast i razvoj planete ili vrsta.

Vama se konstantno šalje signal da se nastavite zajedno kretati duž iste staze. Ako je vaša frekventna rezonancija ispod rezonancije "masovne svijesti", rezonancija grupe će vam pomoći da ubrzate razvoj svijesti. Ako je vaša rezonancija viša od masovne svijesti vi ćete biti svijetionik unutar masovne svijesti. Možete o tome razmišljati kao o situaciji gdje sami pišete svoj kompjuterski program. Radije nego da se uključite u šablon programiranja masovne svijesti, vi odaberete da izvršite svoj vlastiti program dok se ne skupi dovoljno vas koji će napraviti novi operacioni sistem.

Tako, ako imate poteškoće da prihvatite ideju da možete promijeniti svijet time što ćete promijeniti sebe i vi osjećate da je potrebno da uradite nešto (mi znamo da unutar fizične stvarnosti u kojoj živite vi često imate potrebu da uradite nešto) obratite pažnju na svoja osjećanja dok činite taj rad. Šta stvarate? Da li ste za rat ili mir? Vaše percepcije i osjećanja će imati veliki uticaj na to što stvarate. Ako se borite protiv nečega, vi ćete dobiti više tog "nečega". Ako ste za "nešto", učinite sve da to radite zato što vam to čini zadovoljstvo a ne zato što vas je strah (od suprotne mogućnosti) (na primjer: ako ste za mir, protestirajte zato što volite mir a ne zato što vas je strah od rata). Zato što ako emitirate osjećanja straha, budite sigurni da ćete stvoriti (ili privući) više straha.

Zapamtite vaše misli kreiraju forme, te tako vaše emocije će "izvibrirati" (stvoriti na tom vibracionom energetskom nivou) bića. Na kraju dana ovo je najveći poklon koji vam možemo dati. Mi želimo da vi razumijete i prihvatite "Zakon Atrakcije" zato što ne postoji ništa što vi ne možete stvoriti, učite i doživite ga jednom kad postanete stručnjaci u tome. Vi možete promijeniti sebe i svoj svijet dok trepnete okom. Nemojte zanemariti snagu jedne osobe. Potrebna je samo jedan domino da bi se pomjerile pozicije svih ostalih.

Mnogo dobrih želja u ovom danu!